

34 pelajar SMK Elopura Bestari sertai program motivasi



JAWATANKUASA
Kebajikan Mahasiswa
(Jakmas) Kolej
Kediaman Usia-1Borneo,
Universiti Malaysia Sabah
menganjurkan program
motivasi Tingkatan 4 dan
5 yang bertemakan 'Go
on, do it now' bertempat
di sekolah SMK Elopura
Bestari, Sandakan
bersama 34 pelajar-pelajar
Tingkatan 4 dan Tingkatan
5.

Program ini disertai oleh
23 ahli jawatankuasa yang
terdiri daripada mahasiswi
Kolej Kediaman Usia-
1Borneo, UMS dan program
ini juga turut disertai oleh
Pengetua Kolej Kediaman
Usia-1Borneo, UMS, Sidah
Idris bersama dengan
dua felo penasihat dalam



PARA peserta terdiri pelajar Tingkatan 4 dan 5 yang menyertai program motivasi anjuran Kolej Kediaman Usia-1Borneo, UMS.

menjayakan program ini.

Program yang dilaksanakan
selama dua hari ini, bertujuan
membimbing pelajar dari
segi pembangunan insaniah
dan rohani.

Pada program itu, para
peserta dibahagikan kepada
lima kumpulan di mana
peserta didedahkan kepada
softskills, pembentukan daya
saing dan semangat tidak
mudah berputus asa dengan
halangan dan kekurangan

yang dihadapi menjadi
seorang pelajar.

Naib Canselor Prof. Datuk
Dr. Mohd Harun Abdullah
berkata, "kami di UMS
sentiasa 'welcoming' kepada
semua sekolah di Sabah
untuk datang mengadakan
program kerjasama dengan
kami di sini."

Timbalan Naib Canselor
(Hal Ehwal Pelajar dan
Alumni) Prof. Madya Dr.
Ismail Ali, berharap dengan

adanya program seumpama
ini, mampu melahirkan
mahasiswa yang berdaya
saing selaras dengan Pelan
Pembangunan Pendidikan
Tinggi Malaysia (2015-
2025).

Program ini turut
dimeriahkan lagi dengan
penglibatan pengetua
SMK Elupora Bestari.
Semangat yang ditunjukkan
oleh pengetua juga telah
memangkin lagi semangat

para peserta. Penutupan
majlis program ini juga telah
turut dihadiri oleh para
guru dan pengetua Kolej
Kediaman Usia-1Borneo.

Wakil peserta dari SMK
Elupora Bestari berkata,
"kami sangat berpuas
hati dengan program ini.
Kami berharap sekolah
kami terpilih pada sesi
akan datang. Kami sangat
berterima kasih kepada
UMS."